

SHAÖNSHK GISH PAUL GA APOSTLE

GISH GA

EPHESIANS GA.

CHAPTER I.

1 Paul ga apostletk gish Jesus Christ ga, ash ga na shagauk gish ga Shimoigiat ga Lakāga gunwālt ga ā amām da hūwan dida Ephesusit dilt gashimhoudiksha dīt ash Christ Jesus ga;

2 Am dā gwashim, dilt gungia-ksha wātk gut gish ga Shimoigiat ga Lakāga, Nagwādum ga, dilt Miyān gut Jesus Christa ga.

3 Gumgaulth wāsh ga Shimoigiat ga Lakāga gū ga Nagwātsh ga Miyānum gut Jesus Christa ga, gū lthat-in gumgaut gum da tkāni gum-gaum haigut a wālum laklakat ash Christa ga;

4 Niwālda na lthat lip kshana-kniazum gish niat ā hawalthk ga dhā hālizogut, a dum gup wil amām dilt dum wha nahakhokshk gum gish ga hazakltk gut ga shpagait shiebunshk gut.

5 Ash ga n'lthāt gwildum lip-ga'na dalth-dum gish ga dum lip shakltghū'utk gut gā gum ash Jesus Christa ga gunwālt ga, niwālda lip anagush ga shagauk gut ga,

6 Dum wil amadālukshish ga na hoishk gish ga na āmt ga, gū ga na gun āmt ga gum ash gut Shiebunt ga.

7 Gūt niat ga gunkshagigiakshumt ash ga na ilthēit ga, gun shalthitk ga na gishgishumt, niwālt ga gup shga wilēksh ga na āmt ga;

8. Gū ga gunshaqultha wāltkgut gā gum ā tkāni gunwilgaushk gut dilt gundilgaushk gut;

9 Ash ga lthat ālūdā'ansh ga na niyūshk gish ga shagauk gut gā gum, niwālda anagut ga gū ga na lthāt wil lip shahoudish ga gaud ga:

10 Gū ga dum gup wila wilāgwut ga zida ltha lūhoigiax za wil wālt ā dumt shagait gū'un tkāni gau gish Christ, gau wālt gish ga zum laklakāga, dilt gau da lak hālizogut; ninish niat ga da-na-ya'anū:

11 Gū gut gik niat ga dum gun gukshtām da za hawēani a na wil lthāt gwildum lipga n'dalth-dum niwālda ltha lip anagut ga, gū hāgwut in halthal tkāni gau dat hoigiaunshk ga lip lishāoushk gish ga shagauk gut ga;

12 Dum wilt nūgum dum gun amadālukshish ga na hoishk gut ga, nūgumi gū na lthā na bōishk gut gish Christ.

13 Gū dī wil lūhakhokshk ga shim ltha ma shim naqnōsh ga algiagum shimhou ga Am da Malshkgum gunlimautk ga shimt; gūt gik niat ga ltha gashimhoudiksha shimt ada na hashikshinlaiduksha shim gish ga Am da Haigum ēshk gaga.

14 Gū ninish gu ghā shimgit shgū'ut gish ga dum kshām ga wagait dum wil kshada'akltk gish ga n'lip giant ga dum wil amadālukshish ga na hoishk gut ga.

15 Gwaya gun gik hōuyū, ltha mōyū da wila wāl shimhoudiksha dash ga Miyān gut Jesus ga ā shpaga shimt dilt nini gwuniazun shim da tkāni amām dīt,

16 Gun wha gilayū da dhoiyagout